

**« ՀՀ ՎԶՄ Չեղեայի հմ/դ.» ՊՈԱԿ**

## **ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ**

ԹԵՄԱ՝ Անհավասարումների լուծման ֆունկցիոնալ մեթոդը

ՈՒՍՈՒՑԻՉ՝ Վաչագան Խարչատուրյան

ԽՄԲԻ ՂԵԿԱՎԱՐ՝ Արևիատ Զոլայան

**Եղեգևաձոր - 2022**

## Բովանդակություն

Ներածություն-----	2
1. Գծային անհավասարումներ-----	4
2. Քառակուսային անհավասարումներ-----	9
3. Իռացիոնալ անհավասարումներ-----	15
4. Եզրակացություն-----	19
5. Գրականության ցանկ-----	20

## ՆԵՐԱԾՈՒԹՅՈՒՆ

Մաթեմատիկայի դպրոցական դասընթացում կան թեմաներ, որոնց արդյունավետ ուսուցման համար ուսուցչից պահանջում են խորը գիտելիքներ, մասնավորապես անհավասարումների լուծումը: Անհավասարումներն այն հիմնական բանաձևերն են, որոնց սովորաբար հանգում են հանրահաշվի կիրառմամբ խնդիրների լուծումները:

Ընդհանրապես անհավասարումը որոնելի անհայտ պարունակող այնպիսի բանաձև է, որը գրավում է երկու արտահայտություններով և դրանք իրար հետ կապող անհավասարության նշանով: անհավասարման նշանից առաջ գրված արտահայտությունն անվանում ենք անհավասարման ձախ մաս, իսկ անհավասարման նշանից հետո գրված արտահայտությունը՝ աջ մաս: Պարզ է, որ անհավասարման ձախ և աջ մասերը կարող են լինել կամայական արտահայտություններ:

Լուծել անհավասարումը նշանակում է գտնել նրա բոլոր լուծումները կամ էլ ցույց տալ, որ այն լուծում չունի: Բացի այդ, անհավասարումների ուսումնասիրման ընթացքում լայնորեն օգտագործվում է միջակայքերի մեթոդը, գրաֆիկական մեթոդը և ֆունկցիոնալ մեթոդը: Գրաֆիկական մեթոդը օգտագործում են, եթե անհավասարումը չենք կարող լուծել անալիտիկորեն:

Անհավասարումների լուծման ֆունկցիոնալ մեթոդը ասելով հասկանում ենք այն լուծման մեթոդը, որի ժամանակ հենվում ենք ֆունկցիայի հատկությունների վրա, որոնք մտնում են տվյալ անհավասարման մեջ:

Ֆունկցիոնալ մեթոդը օգտագործվում է.

1. Հիմնավորված դասական մեթոդով անհավասարման լուծման մեջ (հավասարության թեորեմ, միջակայքերի մեթոդ):
2. Օգտագործվում է այն խնդիրների լուծման համար, որոնք այլ մեթոդով լուծել հնարավոր չէ:
3. Մի քանի վարժություններ կարելի է լուծել տարբեր եղանակներով, բայց ավելի ռացիոնալ մեթոդ հանդիսանում է ֆունկցիոնալը:
4. Անհավասարումների լուծման ժամանակ, որոնք հանդիսանում են այլ վարժությունների մաթեմատիկական մոդելը. Որոշման տիրույթի գտնելը, ֆունկցիայի արժեքների բազմությունը, մոնոտոնության միջակայքերի գտնելը:

Աշակերտները պետք է գաղափար ունենան անհավասարման կիսառական նշանակության մասին: Պետք է իմանան անհավասարման մեջ անհայտի թույլատրելի արժեքների մասին, գաղափար ունենա նույնության, նույնաբար ճշմարիտ նահավասարման մասին:

Կարողանա կազմել անհավասարման հանգող պարզագույն իրադրությունների հանրահաշվական մոդելները, առանձին դեպքերում պարզել տրված թվի անհավասարման լուծում լինել կամ չլինելը, նույնական անհավասարումները: Կարողանա կրկնակի անհավասարումները գրառել համակարգի տեսքով և հակառակը: Եվ կարողանա կիրառել համակարգերի և համախմբերի համարժեքության հիմնական օրենքները դրանց լուծման ընթացքում:

## ԳԾԱՅԻՆ ԱՆՀԱՎԱՍԱՐՈՒՄՆԵՐ

Անհավասարումը որոնելի անհայտ պարունակող այնպիսի բանաձև է, որը գրավում է Երկու արտահայտություններով և դրանք իրար հետ կապող անհավասարության նշանով: Ինչպես գծային հավասարումների, այնպես էլ գծային անհավասարումների լուծման ընթացքում օգտագործվում է անհավասարման անդամները նրա մի մասից մյուսը տեղափոխելու հնարքը:

Գծային անհավասարումը լուծելու համար անհրաժեշտ է կատարել հետևյալ քայլերը՝ նշված հերթականությամբ.

1. օգտվել փակագծերի բացման կանոնից և անհավասարման երկու մասերը ներկայացնել հանրահաշվական գումարելիների գումարի տեսքով,
2. օգտվել անհավասարման գումարելիների տեղափոխման կանոնից և անհայտ պարունակող գումարելիները խմբավորել նրա մի(ձախ) մասում, իսկ հայտնի գումարելիները՝ մյուս(աջ) մասում,
3. կատարել նման անդամների միացում,
4. օգտվել անհավասարման բազմապատկման կանոնից և որոշել անհայտը:

Օրինակ 1: Լուծել  $2(\alpha + 1) < 1 + 0,5(1 - \alpha)$  անհավասարումը:

$2(\alpha + 1) < 1 + 0,5(1 - \alpha)$  տրված անհավասարումը

$2\alpha + 2 < 1 + 0,5 - 0,5\alpha$  գծային անհավասարումների լուծման ալգորիթմը, կետ 1

$2\alpha + 0,5\alpha < -2 + 1 + 0,5$  գծային անհավասարումների լուծման ալգորիթմը, կետ 2

$2,5\alpha < -0,5$  գծային անհավասարումների լուծման ալգորիթմը, կետ 3

$\alpha < -0,2$  գծային անհավասարումների լուծման ալգորիթմը, կետ 4

Օրինակ 2: Լուծել  $(3\alpha - 1) - (1 - 8\alpha) > 6\alpha + 3(\alpha + 1)$  անհավասարումը:

$(3\alpha - 1) - (1 - 8\alpha) > 6\alpha + 3(\alpha + 1)$  տրված անհավասարումը

$3\alpha - 1 - 1 + 8\alpha > 6\alpha + 3\alpha + 3$  գծային անհավասարումների լուծման ալգորիթմը, կետ 1

$$3x + 8x - 6x - 3x > 1 + 1 + 3$$

$$2x > 5$$


$$x > 2,5$$

գծային անհավասարումների լուծման ալգորիթմը, կետ 2  
գծային անհավասարումների լուծման ալգորիթմը, կետ 3

գծային անհավասարումների լուծման ալգորիթմը, կետ 4

Ինչպես նաև գծային անհավասարումների լուծումը հիմնված է թվային անհավասարումների հատկությունների վրա: Բայց կարելի է օգտագործել նաև գրաֆիկական պատկերում:

Կազմենք գծային ֆունկցիայի( $y = ax + b$ ) գրաֆիկի կախվածությունը  $a$  և  $b$  գործակիցներից



$$1) ax > b$$

(1)  $a < 0$  և  $b \in \mathbb{R}$  դեպքում  $x < b/a$ , այսինքն  $x \in (-\infty; b/a)$

(2)  $a = 0$  և  $b < \mathbb{R}$  դեպքում  $x \in \mathbb{R}$

(3)  $a = 0$  և  $b \geq \mathbb{R}$  դեպքում լուծում չունի

(4)  $a > 0$  և  $b \in \mathbb{R}$  դեպքում  $x \in (b/a; +\infty)$

$$2) ax \leq b$$

(1)  $a > 0$  և  $b \in \mathbb{R}$  դեպքում  $x \in (-\infty; b/a]$

(2)  $a = 0$  և  $b \geq 0$  դեպքում  $x \in \mathbb{R}$

(3)  $a = 0$  և  $b < 0$  դեպքում լուծում չունի

(4)  $a < 0$  և  $b \in \mathbb{R}$  դեպքում  $x \in [b/a; +\infty)$

$$3) ax \geq b$$

(1)  $a < 0$  և  $\forall b \in \mathbb{R}$  դեպքում  $x \leq b/a$  այսինքն  $x \in (-\infty; b/a]$

(2)  $a = 0$  և  $b \leq 0$  դեպքում  $x \in \mathbb{R}$

(3)  $a > 0$  և  $b > 0$  դեպքում լուծում չունի


(4)  $a < 0$  և  $\forall b \in \mathbb{R}$  դեպքում  $x \geq b/a$ ; այսինքն  $x \in [b/a; +\infty)$

Անալոգաբար  $ax < b$  և  $ax \leq b$  անհավասարումների համար:

Դիտարկենք վարժություն զծային անհավասարման վերաբերյալ, Օգտվելով գրաֆիկակա պատկերումից:


$$\text{Օրինակ: } \frac{(x+3)(2x+|x|-9)}{(x-2)(x+2+|x|+1)} > 0$$

$$y = x + 2 | x | + 1$$



Նկ. 1

1. Դիտարկենք  $y = x + 2 | x | + 1$  ֆունկցիան (նկ. 1)
2. Ֆունկցիայի գրաֆիկից պարզ է, որ  $y = x + 2 | x | + 1$  ֆունկցիան բոլոր  $x$ -երի դեպքում դրական է, և կարելի է հաշվի չառնել:
3. Լուծենք  $F(x) > 0$  անհավասարումը:
4. Պարզ է, որ  $x + 3$  և  $x - 2$  ֆունկցիաները մոնոտոն են:
5. Դիտարկենք  $y = 2x + | x | - 9$  ֆունկցիայի գրաֆիկը (նկ. 2)




Նկ. 2

6.  $y = 2x + | x | - 9$  ֆունկցիայի գրաֆիկից պարզ է, որ այն մոնոտոն է և  $(3; +\infty)$  միջակայքում ընդունում է դրական արժեք:



$x = -3; 2$  և  $3$ -ի արժեքների դեպքում  $y=0$

7. Նման ձևով,  $F(x)$  կոտորակում մենք ունենում ենք երեք մոնոտոն ֆունկցիա, որոնք դառնում են զրո համապատասխանաբար  $-3; 2$  և  $3$  կետերում:



8. Այդ երեք կետերը թվային ուղիղը բաժանում են չորս միջակայքերի.

$(-\infty; -3)$ ,  $(-3; 2)$ ,  $(2; 3)$ ,  $(3; +\infty)$ , որոնցից վերջինում  $F(x) > 0$  (նկ.3):


9. Հետևաբար,  $F(x) > 0$  անհավասարումը տեղի ունի  $-3 < x < 2$  դեպքում, ինչպես նաև  $3 < x < +\infty$ :



Պատասխան:  $x \in (-3; 2) \cup (3; +\infty)$ :

# ՔԱՌԱԿՈՒՄԱՅԻՆ ԱՆՀԱՎԱՍԱՐՈՒՄ

$f(x) = ax^2 + bx + c$  տեսքի արտահայտությունը, որտեղ  $a$ -ն,  $b$ -ն և  $c$ -ն տրված թվեր են (ընդ որում  $a \neq 0$ ), կոչվում է քառակուսի եռանդամ: Քառակուսի եռանդամի գրաֆիկը կոչվում է պարաբոլ: Քառակուսային եռանդամի նշանի հատկությունները հնարավորություն են տալիս լուծելու քառակուսային անհավասարումները: Քառակուսային են կոչվում այն անհավասարումները, որոնց անդամները նրա մի կողմում խմբավորելու դեպքում ստանում ենք երկրորդ աստիճանի բազմանդամ: Քառակուսային անհավասարումները լուծելու համար անհրաժեշտ է բոլոր անդամները խմբավորել նրա մի մասում, ստանալ քառակուսի եռանդամ և օգտվել քառակուսային եռանդամի նշանի հատկություններից: Լուծումները պայմանավորված են քառակուսային եռանդամի տարբերիչով, արմատներով և ավագ անդամի գործակցով: Ավելի հեշտ են լուծվում այն անհավասարումները, որոնց մի կողմում նրա բոլոր անդամները խմբավորելուց հետո ստացված քառակուսային եռանդամի տարբերիչը բացասական է:

Քառակուսային ֆունկցիայի՝  $a$ -ի և  $D$ -ի ( $D = b^2 - 4ac$ ) նշաններից կախված, բոլոր հնարավոր դեպքերը ներկայացնենք հետևյալ աղյուսակում.





Պարտադիր չէ գրաֆիկը արտահայտված պարաբոլներով պատկերել, բավական է և մտովի պատկերացնել թե ինչպես է տվյալ պարաբոլը դասավորված կոորդինատային հարթությունում:

Օրինակ 1: Պահանջվում է լուծել  $2x^2 - 5x + 2 > 0$  անհավասարումը:

$2x^2 - 5x + 2$  եռանդամի  $D$  տարբերիչը հաշվելով տեսնում ենք, որ  $D=9$ , այսինքն՝ դրական է: Դանշանակում է, որ  $y=2x^2 - 5x + 2$  պարաբոլը հատում է  $OX$  առանցքը երկու կետում, որպեսզի գտնենք այդ կետերի արսցիսները, հաշվում ենք եռանդամի արմատները, վերջիններս են  $0,5$  և  $2$ : հաշվի առնելով, որ պարաբոլի ճյուղերը ուղղված են դեպի վեր, և պարաբոլը հատում է  $OX$  առանցքը  $0,5$  և  $2$  կետերում (մտովի պատկերացնել սխեման), պարզում ենք, որ  $2x^2 - 5x + 2 > 0$  անհավասարման լուծումների բազմությունը  $(-\infty; 0,5) \cup (2; +\infty)$  միջակայքն է:

Օրինակ 2: Լուծենք  $x^2 - 2x + 4 > 0$  քառակուսային անհավասարումը:

Այստեղ  $x^2 - 2x + 4$  եռանդամի տարբերիչը հավասար է  $-12$ -ի, այն բացասական է: Համաձայն բացասական տարբերիչով քառակուսային եռանդամի նշանի հատկության՝  $x$ -ի բոլոր արժեքների դեպքում  $x^2 - 2x + 4$  եռանդամի նշանը համընկնում է նրա ավագ անդամի՝  $x^2 -$  ու գործակցի նշանից, այսինքն՝  $1$ -ի նշանի հետ, այսինքն՝ դրական է: Հետևաբար՝ տրված անհավասարման լուծումների բազմությունը  $(-\infty; +\infty)$  միջակայքն է կամ իրական թվերի բազմությունը:


Վարժություն 1:

$$y = f_1(x) = |x|$$

$$|x| > x^2 - x$$

$$y = f_2(x) = x^2 - x$$

Լուծում: Դիտարկենք  $f_1(x)$  և  $f_2(x)$  ֆունկցիաների գրաֆիկները (նկ.4):




Անհավասարման լուծում հանդիսանում են այն իրական  $x$ -երը, որոնց համար  $y = f_1(x)$  ֆունկցիայի գրաֆիկը դասավորված  $y = f_2(x)$  ֆունկցիայի գրաֆիկից վերև: Նկարից երևում է, որ  $|x| > x^2 - x$  անհավասարման լուծումը հանդիսանում է  $0 < x < 2$  միջակայքի բոլոր  $x$ -երը:

Պատասխան՝  $x \in (0; 2)$ :

Վարժություն 2: Գտնել  $a$  պարամետրի բոլոր արժեքները, որոնց դեպքում  $3 - |x - a| > x^2$  անհավասարումը ունի գոնե մեկ բացասական արժեք:

Լուծում: Այս համակարգը լուծենք գրաֆիկորեն: դրա համար  $x$  ընդհանուր կոորդինատական համակարգում կառուցենք ֆունկցիայի գրաֆիկը (նկ.5):



Նկ.5

1)  $a = x^2 + x - 3$ , գագաթի կոորդինատներն են  $(-\frac{1}{2}; -\frac{13}{4})$ :

2)  $a = -x^2 + x + 3$ , գագաթի կոորդինատներն են  $(\frac{1}{2}; \frac{13}{4})$ :

Համաձայն պայմանի անհավասարման լուծումը պետք է լինի բացասական, այդ դեպքում պատկերված գրաֆիկից երևում է, որ  $a \in (-3\frac{1}{4}; 3)$ :

Պատասխան:  $a \in (-3\frac{1}{4}; 3)$ :


Վարժություն 3: Գտնել  $q$  պարամետրի բոլոր արժեքները, որի դեպքում  $(x^2 - q)(q - 2x - 8) > 0$  անհավասարման լուծումների բազմությունը չի պարունակում  $x^2 \leq 4$ :  
անհավասարման լուծումներից ոչ մեկը:

Լուծում:  $(x^2 - q)(q - 2x - 8)$  անհավասարումը համարժեք է հետևյալ երկու անհավասարումների համակարգին (նկ.6):

$$1) \begin{cases} x^2 - q > 0, \\ q - 2x - 8 > 0; \end{cases} \quad \text{և} \quad 2) \begin{cases} x^2 - q < 0, \\ q - 2x - 8 < 0; \end{cases}$$

$$\begin{cases} q < x^2, \\ q > 2x + 8; \end{cases} \quad \begin{cases} q > x^2, \\ q < 2x + 8; \end{cases}$$

Այս համակարգի լուծումները պատկերենք  $xOq$  հարթությունում՝



$x \in [-2; 2]$  բազմությունը հանդիսանում է  $x^2 \leq 4$  անհավասարման լուծում:

Դրա համար անհրաժեշտ է, որեսզի անհավասարման ստացված լուծումները չգտնվեն

$-2 \leq x \leq 2$  միջակայքում:

Գրաֆիկից երևում է, որ  $q \leq 0$  և  $q \geq 12$  դեպքերում անհավասարման լուծումը չի գտնվում  $-2 \leq x \leq 2$  միջակայքում:

Պատասխան:  $q \in (-\infty; 0] \cup [12; +\infty)$  դեպքում անհավասարման լուծումը չի պարունակում  $x^2 \leq 4$  անհավասարման լուծումներից ոչ մեկը:

## ԻՌԱՑԻՈՆԱԼ ԱՆՀԱՎԱՍԱՐՈՒՄՆԵՐ

Արմատանշանի տակ փոփոխական պարունակող անհավասարումը կոչվում է իռացիոնալ անհավասարում: Պարզագույն իռացիոնալ անհավասարումներն են  $\sqrt[n]{x} > a$  և  $\sqrt[n]{x} < a$  անհավասարումները, որտեղ  $n$ -ը բնական, իսկ  $a$ -ն՝ կամայական թվեր են, ընդ որում՝  $n > 1$ : Իռացիոնալ անհավասարումների լուծման համար օգտագործում են հետևյալ թեորեմները.

**Թեորեմ 1.** Ցանկացած  $n$  բնական թվի համար  $\sqrt[n]{f(x)} = \varphi(x)$  համարժեք է հետևյալ

համակարգին՝ 
$$\begin{cases} f(x) = (\varphi(x))^{2n} \\ \varphi(x) \geq 0 \end{cases}$$

**Թեորեմ 2.**  $n \in \mathbb{R}$  դեպքում  $\sqrt[n]{f(x)} < \varphi(x)$  անհավասարումը համարժեք է հետևյալ անհավասարումների համակարգին՝ 
$$\begin{cases} f(x) < (\varphi(x))^{2n} \\ f(x) \geq 0 \\ \varphi(x) > 0 \end{cases}$$

**Թեորեմ 3.**  $n \in \mathbb{R}$  դեպքում  $\sqrt[n]{f(x)} > \varphi(x)$  անհավասարումը համարժեք է հետևյալ երկու անհավասարումների համակարգերին՝  $\begin{cases} f(x) \geq 0; \\ \varphi(x) < 0, \end{cases}$  և  $\begin{cases} \varphi(x) \geq 0 \\ f(x) > (\varphi(x))^{2n}; \end{cases}$

Այս թեորեմներից հետևում է, որ իռացիոնալ անհավասարումների լուծումը բերվում է ռացիոնալ հավասարումների լուծմանը: Իռացիոնալ անհավասարումների կարևոր է հատուկ ուշադրություն դարձնել ֆունկցիայի թույլատրելի արժեքների բազմությանը:

Օրինակ: Լուծել  $\sqrt{2x-5} > x-4$  անհավասարումը:



Դիտարկենք երկու դեպք.

ա)  $x - 4 < 0$ : Այս պայմանին բավարարող յուրաքանչյուր  $x$  կբավարարի տրված անհավասարմանը, եթե այն պատկանում է անհավասարման ԹԱԲ-ին, այսինքն, եթե

$$2x - 5 \geq 0:$$

բ)  $x - 4 \geq 0$ : Այս պայմանին բավարարող  $x$ -երի համար տրված անհավասարումը համարժեք է  $2x - 5 > (x - 4)^2$  անհավասարմանը: Այսպիսով,

$$\begin{cases} x - 4 < 0 \\ 2x - 5 \geq 0 \end{cases} \quad \begin{cases} x < 4 \\ x \geq 2,5 \end{cases}$$

$$\sqrt{2x - 5} > x - 4 \Leftrightarrow \begin{cases} x - 4 \geq 0 \\ 2x - 5 > (x - 4)^2 \end{cases} \text{ Место для формулы. } \Leftrightarrow \begin{cases} x \geq 4 \\ x^2 - 10x + 21 < 0 \end{cases} \Leftrightarrow$$

$$x \in [2,5; 4)$$

$$x \in [2,5; 4)$$

$$\begin{cases} x \geq 4 \\ 3 < x < 7 \end{cases} \Leftrightarrow x \in [4; 7) \Leftrightarrow x \in [2,5; 7)$$

Պատասխան՝  $[2,5; 7)$

Իռացիոնալ անհավասարումների լուծման ժամանակ անհրաժեշտ անպայման օգտագործել նրա մեջ մտնող ֆունկցիայի հատկությունները:

Ընդհանրապես,  $\sqrt{f(x)} > g(x)$  տեսքի անհավասարումները, որտեղ  $f(x)$  -ը և  $g(x)$ -ը  $x$  փոփոխականից կախված արտահայտություններ են, կարելի է լուծել սխեմայով.

$$\begin{cases} g(x) < 0 \\ f(x) \geq 0 \end{cases}$$

$$\sqrt{f(x)} > g(x) \Leftrightarrow \begin{cases} g(x) \geq 0 \\ f(x) > g^2(x) \end{cases}$$

Իսկ  $\sqrt{f(x)} < g(x)$  տեսքի անհավասարումը որոշված է, երբ  $f(x) \geq 0$ :

Քանի որ անհավասարման ձախ մասը չի կարող լինել բացասական, ուրեմն նրա լուծումները պետք է բավարարեն նաև  $g(x) \geq 0$  պայմանին: Նշված երկու պայմանների դեպքում անհավասարման երկու մասերը ոչ բացասական են, և այն համարժեք է

$f(x) < g^2(x)$  անհավասարմանը: Այսպիսով,

$$\sqrt{f(x)} < g(x) \begin{cases} f(x) \geq 0 \\ g(x) \geq 0 \\ f(x) < g^2(x) \end{cases}$$

$\sqrt[3]{f(x)} \geq \sqrt[3]{g(x)}$  տեսքի անհավասարումը համարժեք է  $f(x) \geq g(x)$  անհավասարմանը: Երկու մասերը խորանարդ բարձրացնելը բերում է անհավասարումների հավասարագործությանը, քանի որ  $y = t^3$  ֆունկցիան մոնոտոն աճում է ամբողջ թվային ուղղով:

$$\begin{cases} f(x) = 0 \\ g(x) = 0 \end{cases}$$

$$\sqrt{f(x)} \cdot g(x) \geq 0 \text{ համարժեք է հետևյալ համակարգերին} \quad \begin{cases} g(x) \geq 0 \\ f(x) > 0 \end{cases}$$

Օրինակ: Լուծել  $(x^2 - 3x - 40) \cdot \sqrt{2x - 3} \geq 0$  անհավասարումը:

Լուծում: Ըստ սխեմայի տվյալ անհավասարումը համարժեք է հետևյալ 2 համակարգերից կազմված համախմբին:

$$\begin{cases} 2x - 3 = 0 \\ x^2 - 3x - 40 = 0 \end{cases} \quad \begin{cases} x = \frac{2}{3}, \\ x \in \mathbb{R}; \end{cases}$$

$$\begin{cases} x^2 - 3x - 40 \geq 0 \\ 2x - 3 > 0 \end{cases} \Leftrightarrow \begin{cases} x < -5; x \geq 8, \\ x > \frac{3}{2}; \end{cases}$$

$$\text{Պատասխան՝ } x = \frac{3}{2}, x \geq 8.$$

Դիտարկենք իռացիոնալ անհավասարումների վերաբերյալ վարժություններ, որոնք լուծվում են օգտագործելով ֆունկցիայի հատկությունները:

**Վարժություն 1:** Լուծել  $(3-x) \sqrt{x+4} + 2x > 6$  անհավասարումը:

Ձևափոխելով, ստանում ենք  $(3-x)(\sqrt{x+4} - 2) > 0$  անհավասարումը, որի ձախ մասը երկու արտահայտությունների արտադրյալ է: Այն կլինի դրական, եթե արտադրիչներն ունենան նույն նշանը: հետևաբար, անհավասարումը համարժեք է հետևյալ համախմբին.

$$\begin{cases} 3-x > 0 \\ \sqrt{x+4}-2 > 0 \end{cases} \quad \Leftrightarrow \quad \begin{cases} x < 3 \\ x+4 > 4 \end{cases} \quad \Leftrightarrow \quad \begin{cases} x < 3 \\ x > 0 \end{cases} \quad \Leftrightarrow \quad x \in (0; 3):$$

$$\begin{cases} 3-x < 0 \\ \sqrt{x+4}-2 < 0 \end{cases} \quad \Leftrightarrow \quad \begin{cases} x > 3 \\ 0 \leq x+4 < 4 \end{cases} \quad \Leftrightarrow \quad \begin{cases} x > 3 \\ -4 \leq x < 0 \end{cases}$$

Պատասխան՝ (0; 3)

Վարժություն 2:

Լուծել հետևյալ համակարգը՝

$$\begin{cases} \sqrt{x+a} - \sqrt{y+b} = 1; \\ \sqrt{y+a} - \sqrt{x+b} = 1, \end{cases}$$

Լուծում: Առաջինը հավասարացնենք երկրորդին կստանանք՝

$$\sqrt{x+a} + \sqrt{x+b} = \sqrt{y+a} + \sqrt{y+b}$$

Դիտարկենք  $f(t) = \sqrt{t+a} + \sqrt{t+b}$  ֆունկցիան: Այն աճող է, ունենք, որ  $f(x) = f(y)$ : Հետևաբար  $x=y$ , որտեղից  $\sqrt{x+a} - \sqrt{x+b} = 1$ : Այն համարժեք է հետևյալ համակարգին՝

$$\begin{cases} x \geq -a \\ x \geq -b \\ x+a = 1 + 2\sqrt{x+b} + x+b \end{cases} \quad \Leftrightarrow \quad \begin{cases} x \geq -a \\ x \geq -b \\ 2\sqrt{x+b} = a-b-1 \end{cases} \quad \Leftrightarrow \quad x = \frac{(a-b-1)^2}{4} - b$$

Պարզ է, որ  $x = \frac{(a-b-1)^2}{4} - b \geq -b$ ;

Պատասխան: Եթե  $a \geq b+1$ , ապա  $x = y = \frac{(a-b-1)^2}{4} - b$ ;

Եթե  $a < b+1$ , ապա լուծում չունի:

## Եզրակացություն

Աշխատանքում ներկայացված են մաթեմատիկայի դպրոցական դասընթացում հանդիպող անհավասարումների հիմնական տիպերն և նրանց լուծման արդյունավետ մեթոդները: Այս թեմայի ուսուցման համար աշակերտը նախ պետք է գիտակցի գծային, քառակուսային, ցուցիչային և իռացիոնալ անհավասարումների դերը կիրառական խնդիրների լուծման մեջ, դրանց լուծման օրինակով ըմբռնի մաթեմատիկական մեթոդների ամբողջականությունը և գեղեցկությունը: Որպեսզի սովորողը կարողանա լուծել անհավասարումները, անհրաժեշտ է լավ հասկանա այն բոլոր հարցերը, որոնք կապված են հավասարումների հետ: Ահավասարումների լուծման տրամաբանական կողմը ավելի ծավալուն է համեմատած հավասարումների:

Աշակերտները անհավասարումների լուծման ժամանակ հիմնականում մոռանում են այն ֆունկցիայի հատկությունները, որոնք մտնում են անհավասարման մեջ, որն էլ բերում է սխալ լուծմանը: Հայտնի ուշադրությունը անհրաժեշտ է անհավասարումների լուծման դեպքում, որոնք պարունակում են արմատներ, վերջիններս սովորաբար լուծվում են երկու կողմերը քառակուսի բարձրացնելու միջոցով: Նման դեպքում նույնանման(անալոգիա) եզրակացություն չի կարելի կատարել, պետք է պարտադիր հաշվի արնել անհավասարման մեջ մտնող ֆունկցիայի թույլատրելի արժեքների բազմությունը: Այսինքն, եթե մենք լուծման մոտենանք ոչ տրամաբանորեն, այլ պարզ մեխանիկորեն, առանց ֆունկցիայի հատկությունների առանձնացման, ապա մեծ հավանականություն կա սխալվելու: Անհավասարումների լուծման հեշտ մեթոդներից է միջակայքերի և գրաֆիկական եղանակները, որոնք թույլ են տալիս օգտագործել դիդակտիկ նյութեր, որը օգնում է սովորողներին ավելի մնայուն գիտելիքների ձեռք բերելուն:

Անհավասարումների լուծման ֆունկցիոնալ մեթոդը հնարավորություն է տալիս սովորողներին լուծել անհավասարումները օգտագործելով տվյալ ֆունկցիայի հատկությունները: Ֆունկցիոնալ մեթոդի շնորհիվ աշակերտների մոտ ձևավորվում են այնպիսի հմտություններ և կարողություններ, ինչպիսիք են դիտարկումը, կառուցումը, համեմատումը, վերլուծումը, ընդհանրացումը և այլն:

1. Հ. Ս. Միքայելյան « Հանրահաշիվ 8 », Երևան 1999:
2. Հ. Ս. Միքայելյան « Հանրահաշիվ 8 », 2007:
3. Հ. Ս. Միքայելյան « Հանրահաշիվ 9 », 2008:
4. Գ. Գևորգյան, Ա. Սահակյան « Հանրահաշիվ և մաթեմատիկական անալիզի տարրեր 10 », Երևան 2005:
5. Հ. Բարսեղյան « Մաթեմատիկայի ինքնուսույց » Երևան 2004
6. В. Вавилов, И. И. Мельников и др. « Задачи по математике. Уравнения и неравенства » Москва 1987:
7. С. В. Кравцов, Б. Н. Макаров и др. « Методы решения задач по алгебре » Москва 2001: